



Broj: 10/1-34-6390/21
Tuzla, 26.3.2021. godine

Ministar obrazovanja i nauke Tuzlanskog kantona, na osnovu člana 38. stav (3) Zakona o osnovnom odgoju i obrazovanju – prečišćeni tekst („Službene novine Tuzlanskog kantona“, broj: 10/20), a u skladu sa Zaključkom Vlade Tuzlanskog kantona o usvajanju Naredbe utvrđene na sjednici Kriznog štaba Ministarstva zdravstva Tuzlanskog kantona održanoj dana 26.3.2021. godine, broj: 02/1-04-10486/21 od 26.3.2021. godine, donosi

ODLUKU
o organizaciji nastave osnovnih škola u školskoj 2020/2021.godini

I

(1) Nastava za učenike od šestog do devetog razreda redovnih osnovnih škola i učenike paralelnih osnovnih škola na području Tuzlanskog kantona u školskoj 2020/2021. godini, s ciljem ostvarivanja godišnjeg fonda nastavnih časova i realizovanja sadržaja predviđenih Nastavnim planom i programom, organizovat će se online putem (online nastava), počev od 29.3.2021. godine do 9.4.2021. godine.

(2) Nastava za učenike od prvog do petog razreda redovnih osnovnih škola i učenike specijalnih osnovnih škola organizirat će se u skladu sa Odlukom o organizaciji nastave u osnovnim školama u školskoj 2020/2021.godini broj: 10/1-34-016722/20 od 26.8.2020.godine i broj: 10/1-34-834-1/21 od 21.1.2021. godine.

II

Način realizacije nastave iz tačke I stav (1) ove odluke bliže će se urediti instrukcijom.

III

Ova odluka stupa na snagu danom donošenja. U periodu primjene ove odluke, a vezano za tačku I stav (1), neće se primjenjivati Odluka o organizaciji nastave u osnovnim školama u školskoj 2020/2021.godini broj: 10/1-34-016722/20 od 26.8.2020.godine i broj: 10/1-34-834-1/21 od 21.1.2021. godine.

DOSTAVLJENO:

1 x Školama
1 x Evidenciji
1 x Arhivi
ET/ET



MINISTAR

Elvis Baraković
Dr.sc. Elvis Baraković



Broj: 10/1-34-6390-1/21
Tuzla, 26.3.2021. godine

OSNOVNIM ŠKOLAMA TUZLANSKOG KANTONA

PREDMET: Instrukcija, dostavlja se

U skladu sa tačkom II Odluke o organizaciji nastave osnovnih škola u školskoj 2020/2021. godini broj:10/1-34-6390/21 od 26.3.2021.godine, Ministarstvo obrazovanja i nauke Tuzlanskog kantona daje sljedeće instrukcije:

1. Online nastava u redovnim osnovnim školama čiji je osnivač Tuzlanski kanton realizirat će se putem Moodle platforme (za učenike od VI do IX razreda osnovne škole). Online nastava u paralelnim osnovnim školama i osnovnim školama čiji osnivač nije Tuzlanski kanton, može se realizirati koristeći se drugim elektronskim programima i alatima.
2. Tokom trajanja online nastave realizirat će se nastavni sadržaji planirani nastavnim planovima i programima, a primjenjivati će se redovni raspored časova. U dane vikenda i u praznične dane online nastava se ne može organizirati. Link video sadržaja postavljen na Moodle platformi nastavnik je dužan proslijediti učenicima putem školske platforme neposredno prije početka časa, a ukoliko tehnički uslovi to ne dozvoljavaju tokom nastavnog dana. Ukoliko za pojedine nastavne sadržaje nema video materijala i ne mogu se u potpunosti primijeniti, nastavnik će putem školske platforme pripremiti odgovarajući materijal u skladu sa nastavnim planom i programom kojeg primjenjuje.
3. Nastavnici su dužni pratiti prisustvo, praćenje i aktivnosti učenika tokom održavanja online nastave. Tokom trajanja online nastave učenici se ocjenjuju. Ocjena se unosi na Moodle platformu, a ako je online nastava organizirana putem drugih alata i programa, nastavnik u bilježnici evidentira ocjenu i saopštava je učeniku. Ocjene učenika postignute putem online nastave će se prenositi u pedagošku evidenciju.
4. Obim dostavljenih zadataka i testova ne može biti veći u odnosu na obim koji se praktikovao za vrijeme realizacije redovne nastave u školi. Nastavnik će strogo voditi računa o obimnosti davanja domaće zadaće. Opterećenost učenika zadacima i testovima kontinuirano prati pedagog škole i direktor škole, koji su dužni nastavnicima dati odgovarajuće smjernice. Analize i izvještaj o opterećenosti učenika nastavnim gradivom izrađuje pedagog škole i mjesečno dostavlja odjeljenskom vijeću u elektronskoj formi. Svi stručni saradnici u školi moraju se staviti u funkciju realizacije online nastave i podrške nastavnicima i učenicima.
5. Učeniku koji nema tehničke uslove za praćenje online nastave, nastavni sadržaji će se ponuditi u printanom obliku. Printane materijale će preuzimati roditelj/staratelj učenika u školi u terminu koji utvrdi škola.
6. O održanoj online nastavi i online aktivnostima nastavnik u elektronskom obliku podnosi kratak sedmični izvještaj direktoru škole.

DOSTAVLJENO:

1x Naslovu
1x Evidenciji
1x Arhivi
ET/ET



MINISTAR

Dr.sc. Elvis Baraković